



Broj/Број: 03-/4-50-1-10-9-12/8
Sarajevo/Сарајево: 1. 2. 2008. godine

Z A P I S N I K

9. sjednice Zajedničke komisije za evropske integracije Parlamentarne skupštine BiH, održane 1. 2. 2008. godine

Sjednica je počela u 10,30 sati.

Predsjedavajući Halid Genjac sazvaio je 9. sjednicu Zajedničke komisije za evropske integracije Parlamentarne skupštine BiH.

Sjednici su prisustvovali članovi Zajedničke komisije: Halid Genjac, Drago Ljubičić, Ivo Miro Jović, Alma Čolo, Šemsudin Mehmedović, Milica Marković, Rudo Vidović, Branko Dokić, Zoran Koprivica, Selim Bešlagić te Vladana Lučić, privremeni sekretar Komisije, i Sabina Pstrocki, pripravnici-volonteri. Azra Hadžiahmetović i Hilmo Neimarlija opravdali su odsustvo.

Sjednici su prisustvovali Elma Kadić iz Misije OSCE-a u BiH – Program podrške parlamentu, kao i predstavnici medija.

Sjednicom je predsjedavao predsjedavajući Zajedničke komisije Halid Genjac.

DNEVNI RED

1. Usvajanje Zapisnika 8. sjednice Komisije;
2. Usvajanje Izvještaja o radu za 2007. godinu;
3. Priprema za 10. interparlamentarni sastanak Zajedničke komisije s Delegacijom Evropskog parlamenta za odnose sa zemljama Jugoistočne Evrope;
4. Razmatranje Prijedloga rezolucije o ubrzavanju procesa pristupanja Bosne i Hercegovine u članstvo Evropske unije – predlagачи: poslanici Denis Bećirović, Selim Bešlagić, Jozo Križanović, Zlatko Lagumdžija, Mirjana Malić i Sefer Halilović;
5. Tekuća pitanja: sastanak s delegacijom Parlamenta Švedske.

Ad. 1. Usvajanje Zapisnika 8. sjednice Komisije

Nakon što je jednoglasno usvojen dnevni red, prisutni članovi jednoglasno su usvojili Zapisnik 8. sjednice Komisije, koji im je ranije dostavljen.

Ad. 2. Usvajanje Izvještaja o radu za 2007. godinu

Članovi Komisije jednoglasno su usvojili Izvještaj o radu za 2007. godinu, koji im je ranije dostavljen.

Ad. 3. Priprema za 10. interparlamentarni sastanak Zajedničke komisije s Delegacijom Evropskog parlamenta za odnose sa zemljama Jugoistočne Evrope

Predsjedavajući Zajedničke komisije Halid Genjac u uvodnom izlaganju naglasio je važnost 10. interparlamentarnog sastanka s Delegacijom Evropskog parlamenta, pogotovo što se održava u periodu između parafiranja i potpisivanja Sporazuma o stabilizaciji i pridruživanju. On je prisutne informirao o tome da je prihvaćen prijedlog Zajedničke komisije da se u dnevni red uvrsti i tema o pretpristupnoj pomoći Bosni i Hercegovini (IPA fondovi).

Predsjedavajući je zatim predstavio Nacrt zajedničke izjave, dostavljen iz Evropskog parlamenta, a koji predsjedavajući dvije delegacije usvajaju na kraju dvodnevnog zasjedanja. On je predložio članovima Zajedničke komisije da pripreme amandmane, ukoliko imaju primjedbi na Zajedničku izjavu, i podsjetio da je u pitanju Nacrt zajedničke izjave, a da će tokom zasjedanja dvije delegacije usaglašavati amandmane.

Zoran Koprivica rekao je da se ne slaže s tačkom 2. Zajedničke izjave koja se odnosi na ulogu visokog predstavnika i specijalnog predstavnika EU u BiH i da će insistirati na određenim korekcijama.

Drago Ljubičić rekao je, također, da će tražiti da se u Zajedničku izjavu unesu određene izmjene, a koje se odnose na tačke 2. i 7. On je rekao da je sporno da u tački 7. Zajedničke izjave stoji da se: „posebno Republika Srpska poziva da nastavi da sarađuje s Međunarodnim krivičnim sudom“. Ljubičić je naglasio da RS izvršava svoje obaveze u okviru svojih nadležnosti, a institucije zadužene za saradnju s Međunarodnim krivičnim sudom su državne institucije BiH.

Alma Čolo predložila je, s obzirom da su članovi Zajedničke komisije iznijeli različite stavove o Nacrtu zajedničke izjave, da prije sastanka s Delegacijom Evropskog parlamenta naša delegacija usaglasi amandmane koji će biti uloženi.

Milica Marković rekla je da će biti problematično ako svi budu istupali individualno, konfrontirajući se. Ona je također predložila da Zajednička komisija usaglasi amandmane. Podsjetila je da sve što Zajednička komisija kaže o OHR-u neće biti relevantnije od onoga što se zaključi na sastanku PIC-a 27. i 28. februara. Ona je ukazala na kontradiktornost tačke 7. Zajedničke izjave i naglasila da se sve institucije zadužene za saradnju s Međunarodnim krivičnim sudom, uključujući sudove i obavještajne službe, nalaze na državnom nivou.

Branko Dokić podržao je sugestiju predsjedavajućeg da se u izlaganjima naglase pozitivni aspekti koje je BiH ostvarila u prethodnoj godini, ali i da o nekim pitanjima, kao što su ustavne promjene, postoji mogućnost određenih konfrontacija. Dokić je, uz ostalo, rekao da bi Zajednička komisija trebalo da pravi Nacrt zajedničke izjave kada su u pitanju susreti koji se održavaju u Bosni i Hercegovini.

Ivo Miro Jović rekao je da je Zajednička izjava dobro formulirana, ali da ima određenih nedorečenosti. On je ukazao i na različito tumačenje pojmova „narod“ i „nacija“, te u tom kontekstu predložio da se u tački 5. Zajedničke izjave obavezno, pored, „svih građana“, doda i „naroda Bosne i Hercegovine“.

Selim Bešliagić naglasio je da je on i ranije učestvovao na ovakvim sastancima i da treba imati u vidu činjenicu da članovi Evropskog parlamenta odlično poznaju situaciju u Bosni i Hercegovini, te da je u tom kontekstu sačinjen i Nacrt zajedničke izjave. On je također predložio da se postigne konsenzus u vezi s amandmanima.

Nakon iscrpne diskusije, a na prijedlog predsjedavajućeg, dogovoreno je da se sastane radna grupa, u kojoj bi bili: Halid Genjac, Ivo Miro Jović i Branko Dokić, te da oni zajednički usaglase amandmane koje će uložiti naša delegacija.

Ad. 4. Razmatranje Prijedloga rezolucije o ubrzavanju procesa pristupanja Bosne i Hercegovine u članstvo Evropske unije-predlagачi: poslanici SDP-a: Denis Bećirović, Jozo Križanović, Mirjana Malić, Zlatko Lagumdžija, Selim Bešliagić, Adem Ibrahimpašić, delegat SDP-a i Sefer Halilović, poslanik BPS.

Predsjedavajući Zajedničke komisije Halid Genjac upoznao je prisutne o tome da je, u skladu s članom 148. stav 2. Poslovnika Predstavničkog doma PSBiH, Predstavnički dom na 20. sjednici, održanoj 16. 1. 2008., zaključio da se Prijedlog rezolucije o ubrzavanju procesa pristupanja Bosne i Hercegovine u članstvo Evropske unije prethodno razmatra u nadležnoj komisiji, što je zaključeno i na sjednici Doma naroda, održanoj 31.1. 2008.

Zatim je Selim Bešliagić, u svojstvu predlagачa, obrazložio razloge za Prijedlog rezolucije poslanika SDP-a i Sefera Halilovića u Predstavničkom domu i delegata SDP-a u Domu naroda.

On je naglasio da je parafiranjem Sporazuma o stabilizaciji i pridruživanju Bosna i Hercegovina ušla u novi period koji će biti ključni za određivanje budućeg razvoja zemlje. Sljedeći najvažniji korak je potpisivanje Sporazuma, a nakon potpisivanja do izražaja bi došla predložena rezolucija.

Predsjedavajući Zajedničke komisije rekao je da ne postoje razlozi da Zajednička komisija ne usvoji Prijedlog rezolucije, jer kada su u pitanju evropske integracije, postoji konsenzus svih političkih stranaka zastupljenih u Parlamentu. On je, međutim, naglasio da stav 10. Prijedloga rezolucije nije u skladu s poslovniciama domova. Prema odredbama poslovnika Predstavničkog doma i Doma naroda, ne postoji mogućnost proširivanja broja članova komisija domova. Ipak, poslovnici definiraju mogućnost traženja povremene pomoći stručnjaka s liste koju su potvrdila oba doma. U skladu s ovim odredbama, javni konkurs raspisao bi i proveo

Sekretarijat Parlamentarne skupštine BiH, na osnovu kriterija koje će utvrditi Zajednička komisija za administrativne poslove. Predsjedavajući je zatražio od predlagača da stav 10. preformuliraju i usklade s poslovnica oba doma.

Nakon duge rasprave o Prijedlogu rezolucije o ubrzavanju procesa pristupanja Bosne i Hercegovine u članstvo Evropske unije, u kojoj su svoje stavove iznijeli: Milica Marković, Alma Čolo, Zoran Koprivica, Drago Ljubičić, Ivo Miro Jović, Rudo Vidović i Branko Dokić, a na prijedlog predsjedavajućeg Komisije, usvojeni su sljedeći **zaključci**:

1. **Odgada se izjašnjavanje Zajedničke komisije o tekstu Prijedloga rezolucije za narednu sjednicu.**
2. **Sugerira se predlagaču da do naredne sjednice Zajedničke komisije stav 10. Prijedloga rezolucije uskladi s poslovnica oba doma.**
3. **Na sjednicu Komisije na kojoj će se izjašnjavati o Prijedlogu rezolucije pozvati predstavnike DEI-a i glavnog pregovarača, kako bi predstavnici tih institucija učestvovali u raspravi.**
4. **O navedenim zaključcima upoznati kolegije domova kako bi Kolegij Predstavničkog doma izjašnjavanje o Prijedlogu rezolucije odgodio za narednu sjednicu.**

Ad. 5. Tekuća pitanja: sastanak s delegacijom Parlamenta Švedske

Predsjedavajući je podsjetio članove Zajedničke komisije da im je u materijalima za sjednicu podijeljen podsjetnik za sastanak s članovima Parlamenta Švedske. Planirano je da sastanak bude održan 6. 2. 2008. od 10 do 10, 45 sati. Dogovoreno je da će sastanku s predstavnicima Parlamenta Švedske, u ime Zajedničke komisije, prisustvovati: Ivo Miro Jović, Alma Čolo, Šemsudin Mehmedović, Rudo Vidović, Zoran Koprivica, Selim Bešlić i Branko Dokić.

- a) **Informacija o posjeti studenata iz Brisela na postdiplomskim studijama iz oblasti evropskih integracija, u organizaciji Evropske komisije. Planirana je posjeta Parlamentarnoj skupštini BiH i razgovor s članovima Zajedničke komisije za evropske integracije PSBiH**

Dogovoreno je da će, u ime Zajedničke komisije, sa studentima razgovarati Ivo Miro Jović i Hilmo Neimarlija.

Sjednica je završena u 13, 30 sati.

Predsjedavajući
Zajedničke Komisije
Halid Genjac